

Tamén abundan aqueles
que gustan do “pelotazo”
cando se ven aburridos
xogan a poñer o cazo.

Co desfalco dos corruptos
e o axuste dos mercados
acabamos na miseria
ou na lista dos parados.

AVE, AVE haberá
pero non se sabe cando
cada ministro que entra
anda a poñerlle o ramo.

Caixa Nova, Nova Caixa
Caixa para a desfeita
Galicia segue espoliada
por xerentes sen conciencia.

Os aforros dos galegos
marchan outra vez pra fóra
cunha xestión avarenta
que a todos nos amola.

Un pasiño para adiante
tres zancadas para atrás
a ENCE fóra da ría
nin a ves, nin a verás.

Os que queiran celulosas
para amasar máis pasta
que lle planten eucaliptos
nas hortas da súa casa.

No país do sol nacente
houbo traxedia e desastre
co tsunami e as nucleares
non hai peito que aguante.

Somos un e máis de dous
somos miles pola lingua
somos os que a falamos
para que nunca se perda.

Moitos séculos escuros
coa Lingua esquecida
resistindo da aldraxe
a que estivo sometida.

Grazas á oralidade
o galego segue vivo
coas tonadas e cantigas
foise abrindo camiño.

Os que desprezan a Lingua
da terra onde naceron
xa semellan renegados
ou o xuízo perderon.

Galegos amade a Lingua
porque é noso tesouro
agarimo dos que falan
coa palabra dun pobo.

Nas follas da flor do día
vestiuse a copla de vento
sucou parques cruzou prazas
trouxo sons de encantamento.

E ficou na Ferraría
coa alba deloirada
foi pra ledicia de todos
nesta mañá arelada.

Polo ar a derradeira
nos beizos unha cantiga
no sorriso un adeus
e coas mans a despedida.

MAIO

C.E.I.P. CAMPOLONGO



ANO 2011

Chega ledo o noso Maio
a esta praza de pedra
cos oliños ben abertos
coma un sol de primavera.

Para darlles a benvida
xa comezan a soar
estas coplas retranqueiras
que lle guindamos ao ar.

Repenican ás campás
na fermosa Ferraría
mentres Camplongo canta
con engado e alegría.

Viñemos cantar os Maios
na lingua da nosa terra
que o saiban os que mandan
e non queren defendela.

Vestimos o Maio verde
de cores engalanado
xa pode estar orgulloso
de como vai rematado.

De fiúncho foi cuberto
e con flores coroado
para vir a esta festa
como un mozo ben plantado.

Rosiña do mes de Maio
chea de orballos na aurora
aledas os nosos ollos
cada primavera nova.

Bolboreta de ás douradas
que voas coma unha seda
vén pousar polas roseiras
da vila de Pontevedra.

Campolongo é noticia
polo conflito escolar
suprimiron a Infantil
e todo o mundo a calar.

Tempo andando e cousas vendo
quen nolo fora contar
que nenos e profesores
se tiveran que marchar.

A movida non é nova
parte do curso pasado
cando a Xunta nos coloca
exceso de alumnado.

Moitas voltas que lle deron
para non dar arranxado
agora chegan a isto
co proceso preiteado.

Polo Concello latrican
gobierno e oposición
están quentando motores
de cara ás eleccións.

Despois do corpo a corpo
lanzan a artillería
pois gastar tanto en liortas
ben o vale unha alcaldía.

Lores reclama limpeza
e Telmo está de acordo
denuncia o de Naturgalia
para aclaralo todo.

Louro busca un trampolín
que lle dea a saída
canto máis arriba suba
máis dura será a caída.

O tema de Construcuatro
seica é un caso á parte
se alguén cobrou demais
de seguro que reparte.

Son as cousas do progreso
que está cheo de devotos
co asfalto e cos ladrillos
chega o milagre dos votos.

Sabías ou non sabías
o que pasa co das obras
unhas paran pola Xunta
polo Concello as outras.

Mentres o investimento
lisca para outro lado
e coma sempre o futuro
quedará hipotecado.

Así che pasan as horas
así che botan o tempo
entre cargos e expedientes
consumen o orzamento.

A Xunta funciona ben
cando ten que inaugurar
para resolver problemas
non os vaias molestar.

Dous anos levan no mando
dous anos de moito esforzo
para desfacer proxectos
e nada facer de novo.

Recortan no das axudas
tamén recortan dereitos
contratan coa privada
así lle locen os feitos.

As promesas contra o paro
quedaron no esquecemento
só piden competencias
para o medicamento.

A Sanidade mellora
coa nova tesoirada
non enfermes polas tardes
que che deixan na estacada.

De cartos pra Sanidade
a metade da metade
e coas listas de espera
ide á cola e aguantade.

Zapatero está queimado
o seu partido tamén
acabóuselle o talante
non os pode ver ningúen.

Buscan novo candidato
que os axude a gañar
con Chacón ou Rubalcaba
teranse que apañar.

A calquera que presenten
pouco lles vai a servir
a xente soña cun cambio
que lles resolva o porvir.

Para iso está Rajoy
vendo pasar o tempo
mentres fuma do seu puro
e aumenta o descontento.

Mariano o esperado
el xa ten a solución
para axudar ao país
o seu grupo vota “non”.

De programa non precisan
para apertar aos de sempre
só queren o poder
nada lles importa a xente.

A crise non é pra todos
só ataca aos máis febles
arreda dos poderosos
isto non che vai con eles.

Que pouco miran pra baixo
os que viven na fartura
a quebra que nos trouxeron
castiga como a tortura.

Hai políticos que seguen
mantendo os privilexios
eles malgastan ás toas
para nós, deixan pelexos.